



ИНД - 95

Иргэний Нисэхийн Дүрэм

Хэрэглэлийн нислэгийн журмын бүртгэл

Иргэний нисэхийн ерөнхий газар

ДҮРМИЙН ТАЙЛБАР

ИНД-95 нь Монгол Улсын нислэгийн мэдээллийн бүсэд (FIR) хэрэглэлийн нислэгийн дүрмээр (ХНД) үйл ажиллагаа явуулах агаарын хөлөгт ашиглах хэрэглэлийн нислэгийн журмыг түгээх зохицуулалтын шаардлагыг тогтооно.

Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-95-ын цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-95, түүний нэмэлт, өөрчлөлтийн хуулбарыг ИНЕГ-аас, эсхүл www.mcaa.gov.mn веб сайтаас татаж авах боломжтой.

Мэдээлэл

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн дүрмийг боловсруулсан.

Өөрчлөлтийн түүх**Хүчинтэй огноо**

Анхны боловсруулалт

2002 оны 12 сарын 20

Нэмэлт, өөрчлөлт 1

2010 оны 05 сарын 07

Нэмэлт, өөрчлөлт 2 (Шинэчлэлт)

2018 оны ... сарын ...

Тэмдэглэл: ИНД-95-ын шинэчлэлтийг монгол, англи хэл дээр, NZ Part 95 A.1-д үндэслэн боловсруулсан болно.

Гарчиг

А Бүлэг - Ерөнхий зүйл	5
95.1. Зорилго	5
В Бүлэг - Хэрэглэлийн нислэгийн журмыг түгээх болон мэдээлэх.....	5
95.51. Хэрэглэлийн нислэгийн журмыг түгээх.....	5
95.53. Монгол Улсын агаарын навигацийн бүртгэлд дэлгэрэнгүй мэдээллийг оруулах	5
95.55. Олон нийтэд мэдээлэх	6
95.57. Хэрэглэлийн нислэгийн журмыг хэрэглээнээс хураах.....	6

А Бүлэг - Ерөнхий зүйл

95.1. Зорилго

Энэ Дүрэм нь Монгол Улсын FIR-д, Хэрэглэлийн нислэгийн дүрмээр (ХНД) үйл ажиллагаа явуулах агаарын хөлөгт ашиглах хэрэглэлийн нислэгийн журмыг түгээх зохицуулалтын шаардлагыг тогтооно.

В Бүлэг - Хэрэглэлийн нислэгийн журмыг түгээх болон мэдээлэх

95.51. Хэрэглэлийн нислэгийн журмыг түгээх

(а) Аливаа этгээд нь Монгол Улсын FIR-д, ХНД-ээр үйл ажиллагаа явуулах агаарын хөлөгт ашиглах хэрэглэлийн нислэгийн журмыг дараахаас бусад тохиолдолд түгээхийг хориглоно:

- (1) тухайн хэрэглэлийн нислэгийн журмын дэлгэрэнгүй мэдээллийг Монгол Улсын Агаарын навигацийн бүртгэлд (ANR) энэ Дүрмийн дагуу оруулсан;
- (2) тухайн Хэрэглэлийн нислэгийн журмын хүчинтэй болох огноо нь 95.55-ын дагуу цахим хуудас: www.mcaa.gov.mn-д мэдээлэгдсэн.

95.53. Монгол Улсын агаарын навигацийн бүртгэлд дэлгэрэнгүй мэдээллийг оруулах

(а) Энэ зүйлийн (b)-г харгалзан, Дарга Монгол Улсын FIR-д, ХНД-ээр үйл ажиллагаа явуулах агаарын хөлөгт ашиглахад зориулсан хэрэглэлийн нислэгийн журам бүрийн дараах дэлгэрэнгүй мэдээллийг Монгол Улсын ANR-д оруулах үүрэгтэй:

- (1) тухайн хэрэглэлийн нислэгийн журмын нэр, эсхүл бусад холбогдох таних нэр томъёо;
- (2) тухайн хэрэглэлийн нислэгийн журмыг тодорхойлох болон тайлбарлах нисэхийн өгөгдөл;
- (3) тухайн хэрэглэлийн нислэгийн журам хүчинтэй болох огноо;
- (4) энэ зүйлийн (b)(1)-д шаардсан тухайн Хэрэглэлийн нислэгийн журмыг батлах хариуцлага бүхий хэрэглэлийн нислэгийн журмын үйлчилгээний гэрчилгээ эзэмшигчийн тодорхойлолт;
- (5) энэ зүйлийн (b)(2)-т шаардсан, Хэрэглэлийн нислэгийн журмын засвар өөрчлөлт хийх хариуцлага бүхий хэрэглэлийн нислэгийн журмын үйлчилгээний гэрчилгээ эзэмшигчийн тодорхойлолт.

(b) Хэрэглэлийн нислэгийн журмыг тогтоож байгаа нисэхийн өгөгдлийг Монгол Улсын ANR-д оруулахын өмнө Дарга дараах шаардлагыг бататгах үүрэгтэй:

- (1) тухайн хэрэглэлийн нислэгийн журам нь ИНД-173-ын холбогдох шаардлага болон стандартыг хангасан болохыг, ИНД-173-ын дагуу олгосон хэрэглэлийн нислэгийн журмын үйлчилгээний зохих, хүчинтэй гэрчилгээ эзэмшигчээр зохих ёсоор зөвшөөрөгдсөн этгээд баталсныг;
- (2) тухайн хэрэглэлийн нислэгийн журамд ИНД-173.63-д шаардсан гэрчилгээ эзэмшигчийн үйл ажиллагааны журмын дагуу засвар өөрчлөлт хийсэн болохыг, энэ хэсгийн (1)-д дурдсан зохих, хүчинтэй хэрэглэлийн нислэгийн журмын үйлчилгээний гэрчилгээ эзэмшигчийг төлөөлж байгаа этгээд баталсныг;
- (3) энэ зүйлийн (а)-д шаардсан нисэхийн өгөгдлийн аливаа ажиллагаа, эсхүл боловсруулалт болон аливаа мэдээлэл оруулах, сэргээх, эсхүл хадгалах явцад, RTCA Inc-ийн document number RTCA/DO-200A-д заасан ажиллагаа, эсхүл боловсруулалтын стандартыг, эсхүл Даргын хүлээн зөвшөөрсөн дүйцэх бусад стандартыг хангадаг болохыг.

(с) Дарга, хэрэглэлийн нислэгийн журамтай холбоотой нисэхийн өгөгдлийг Монгол Улсын ANR-д оруулах, эсхүл гаргах аливаа хөдөлгөөн нь Нисэхийн мэдээлэл дамжуулах стандарт загвар-5-д (AIXM-5) заасан стандарт, эсхүл Даргын хүлээн зөвшөөрсөн бусад дүйцэх стандартыг хангаж байгааг бататгах үүрэгтэй.

95.55. Олон нийтэд мэдээлэх

(а) ХНД-ээр үйл ажиллагаа явуулах агаарын хөлөгт ашиглах хэрэглэлийн нислэгийн журам нь дараахаас бусад тохиолдолд хүчинтэй болохгүй:

- (1) тухайн хэрэглэлийн нислэгийн журмын дэлгэрэнгүй мэдээллийг 95.53-ын дагуу Монгол Улсын ANR-д оруулсан;
- (2) энэ зүйлийн (b)-д зааснаас бусад тохиолдолд, Дарга дараах мэдээллийг цахим хуудас: www.mcaa.gov.mn-д мэдээлсэн:
 - (i) тухайн хэрэглэлийн нислэгийн журмын нэр, эсхүл холбогдох бусад таних нэр томъёо;
 - (ii) ХНД-ээр үйл ажиллагаа явуулах агаарын хөлөгт ашиглах хэрэглэлийн нислэгийн журмын хүчинтэй болох тухайн огноо.

(b) 6 сар, эсхүл түүнээс бага хугацаагаар хүчинтэй байх хэрэглэлийн нислэгийн журмыг, хэрэв энэ зүйлийн (а)(2)-т шаардсан тухайн мэдээлэл нь Монгол Улсын AIP-д нэмэлтээр, эсхүл NOTAM-аар зарлагдсан бол, цахим хуудас: www.mcaa.gov.mn-д мэдээлэх шаардлагагүй.

95.57. Хэрэглэлийн нислэгийн журмыг хэрэглээнээс хураах

(а) ИНД-173-ын дагуу олгосон хэрэглэлийн нислэгийн журмын гэрчилгээ эзэмшигч нь Монгол Улсын ANR-д орсон тухайн Хэрэглэлийн нислэгийн журмын засвар өөрчлөлт хийхийг цаашид зогсоохоор зорьж байгаа болохоо мэдэгдсэн бол, Дарга тухайн хэрэглэлийн нислэгийн журмыг дараах хэлбэрээр хэрэглээнээс хурааж авах үүрэгтэй:

- (1) тухайн хэрэглэлийн нислэгийн журмыг таньж тогтоон, тухайн журам хэрэглээнээс хураагдах огноог цахим хуудас: www.mcaa.gov.mn-д мэдээлэх;
 - (2) хураан авах тухайн өдөр нь хэрэглэлийн нислэгийн журмын дэлгэрэнгүй мэдээллийг Монгол Улсын ANR-аас гаргах.
- (b) Энэ зүйлийн (a)-д заасныг үл харгалзан, хэрэв Дарга дараах бодит үндэслэл байна гэж үзвэл, тухайн хэрэглэлийн нислэгийн журмыг хамгийн тохиромжтой хэлбэрээр хэрэглээнээс хураан авч болно:
- (1) тухайн хэрэглэлийн нислэгийн журмыг ХНД-ээр үйл ажиллагаа явуулж байгаа агаарын хөлөгт ашиглахад аюултай байж болзошгүй; эсхүл
 - (2) тухайн хэрэглэлийн нислэгийн журамд ИНД-173-ын холбогдох шаардлагын дагуу засвар өөрчлөлт хийгдээгүй.
- (c) Хэрэв Дарга энэ зүйлийн (a), эсхүл (b)-ийн дагуу хэрэглэлийн нислэгийн журмыг хэрэглээнээс хураан авах бол Дарга:
- (1) тухайн хэрэглэлийн нислэгийн журмыг хураан авч байгааг, Монгол Улсын ANR-д заасан, хэрэглэлийн нислэгийн журмын засвар өөрчлөлт хийх хариуцлага бүхий хэрэглэлийн нислэгийн журмын үйлчилгээний гэрчилгээ эзэмшигчид бичгээр мэдэгдэх;
 - (2) тухайн хэрэглэлийн нислэгийн журмыг Монгол Улсын AIP-аас болон үйл ажиллагааны хэрэглээнээс хассаныг бататгах зохих арга хэмжээг авах;
 - (3) тухайн хэрэглэлийн нислэгийн журам болон түүнтэй холбоотой нисэхийн өгөгдлийг Монгол Улсын ANR-аас хасах үүрэгтэй.

--oOo--